

楊一凡 劉篤才 編

中國古代法律文獻

甲編
第六冊

中國社會科學出版社

楊一凡 劉篤才 編

世界圖書出版公司

中國古代地方法律文獻

甲 編
第六冊

中國古代地方法律文獻甲編第六冊目次

寶坻政書

〔明〕朱黃撰 劉邦謨 王好善輯
明萬曆刊本

.....

目
錄

—

〔明〕袁黃撰

劉邦謨 王好善輯

明萬曆刊本

寶坻政書

廣雅

刻實垣政書序

了凡素公之令吾邑也以清儉律身以慈仁撫
衆以恭遜事上以正大睦僚以禮法訓士以嚴明
馭胥史以至誠格鬼神吾邑二百五十年来所未
有之良牧也豈惟吾邑蕩海循良亦未有或
先之者在任五十年賢聲赫々前後膺二十七
薦最後膺按會蹕薦公備兵海上忌者媒

孽之倖，擢部屬以玄未逾月，即監兵東
征。閭閻異域，功蹟茂著。廼竟以豫歸，讀朝
鮮陪臣李元翼所著生祠碑記，述公之勲
勞甚備。嗟夫人有如是才望勲勞而竟如
是憂之，豈盛世所宜有耶？公去之日，士民
已刻德政錄矣。廼劉王二君以不盡公之蹟也，
收輯實政，以書十二卷，視前錄不啻備之。

然兢々不敢增飾一語但取公文移示諭
之見諸實事者次第編之而恨公所條列
皆揮筆立就大半無稿其有稿者各房
胥吏俱已更易非公舊人屬索不得其全
所錄者止十之二三耳然嘗鼎一臠已知全
味矣公朔望赴學輒與諸生講解借經
義發心傳童儒父老環貢門而觀聽者

不下數十百人五年間學庸論各幾徧誦
生爭錄而傳誦之擬列入錄中以文敘案不能
載異日當別擇以傳

前蕭城所知縣治下生邑人邵贊頓首
拜撰

寶坻政書卷之一

了凡雜善十一

門生

劉邦謨
王好善編輯

祀神書

先生初下車即作文自誓於城隍之前聞者皆聳然動心四五年間事上治民守身接人率能踐其言云平居祭祀守戒甚嚴故每禱輒應天人相感之理不誣哉不誣哉輯祀書

到任祭城隍文

維萬曆十六年六月初九日禮部觀政進士袁黃奉

命來知寶坻縣事謹以牲醴致祭于

本縣城隍之神曰黃不肖數罹大過歆寡之未能也然素有體物恤民之志今將實見之行事敬與神約吾願恭順以事社慢不恭神殛之吾願明潔以事神享祀不潔神殛之吾願虛懷樂善以事邑之賢者侮慢自賢神殛之吾願崇儉以厚風俗侈食縱酒神殛之吾願寧失不經以活無知犯法之民不能活神殛之吾願興民之利而闢其荒蕪不然者神殛之吾願防民之患而修其溝畛不然者神殛之聽訟則不但剖其曲直必思所以平其忿

心而使之無訟不然者神殛之用刑則不但鋤強
遏惡必思所以養其良而使庶恥日生不然者神
殛之賦役則不但敢額外加徵必思所以曲為
區處而使額內之數漸減不然者神殛之徭役則
不但一時恤民之力必思所以立法調停而使享
永世之利不然者神殛之治事則不但發已自盡
必思所以循物無違而使衆志皆通不然者神殛
之愛人則不但使居者願耕於其野亦使行者願
出於其途而無忌賓旅不然者神殛之至於納民
之賄殘民之命凌虐士類陷害同僚則尤不肖之

甚者神其速殛毋恕若夫雨暘時若疫癘不侵則神之事也予治其明弗及其幽頑默賜寵綏以相予之不逮合境神祇同此證明尚饗

申府置祭器文

為遵舊制備器物以隆典禮以靖地方事查得須知冊內

文廟一所祭器什物共一百七十二件

社稷壇一所祭器什物共七十三件

風雲雷雨山川壇一所祭器什物共八十一件

邑厲壇一所祭器什物共四十七件即今

朝覲造冊俱開稱各物備具及覈實其數僅有儒學
祭器賴教官吳彰稽古訂今悉心成辦委係無缺
其餘各項並無一件典禮雖有常器冊籍全係虛
文上下相朦習成故事及時當行祭則一應器皿
皆責辦于地方物用有耗損之虞隸胥亟需索之
費不特借常豆為禮器褻慢神祇且復索公物于
私門騷擾里甲又如察院太僕寺府廳三處聽候
經臨各上司駐劄與鄉飲公晏酒席等項皆有一
應什物查公署三處止額編案衣坐褥傘扇鋪陳
銀一十八兩其餘家火額無編載遇用皆於地方

暫借自卑職到任以來里甲舖行久已裁革前面什物豈容再擾今擬上遵

朝制下酌時宜將前項器用逐一估計查得本縣見有倒斃官樹四十七株其成材可用者即鋸板聽用其朽壞無用止堪作柴者咸變價發賣以為匠作工食之資今已造完檯二十四張凳十條餘凡用木者皆可次第造用不煩賠費其餘諸物約更用銀四十一兩九錢一分所費不多查庫貯有鮮刺檯柴銀一百四十二兩八錢除將一百一兩七錢八分抵解棘茨銀兩見今請詳外餘銀四十一

兩二分置辦前物其不足之數本縣另行設處其
一應細物皆貯縣庫着庫子收管其桌椅等物皆
貯各廳內着陰陽生看管近年驗明交換即將前
項編銀十八兩為節年修理之費則典禮明而地
方不擾器用備而永遠可遵矣卑縣未敢擅便擬
合請詳定奪為此今備前由具申伏乞
照詳施行

禱雨自責文

余小子智術淺短待罪旬邑當春小旱至厓

聖慮發

明詔督令祈禱竊謂陰陽不和咎在縣吏余小子罪
若蝟毛姑畧陳之以待上帝百神之察吾嘗治心
幽獨晝之所行夜必焚香告天矣然欲潔而故汚
既悔而旋犯德之不醇如故也吾嘗立威於刑罰
之外正衣冠尊瞻視祁寒盛暑不廢矣然退食深
居褻慢時有也吾嘗念里甲之煩吾夫馬雜役悉
蠲除矣然法制未及調停而那移催募後將難繼
也吾嘗憫舖行之累而私用公需給價平易矣然
御下不嚴不能保其盡不擾也吾嘗遵時制省冗
役若箭手醫獸之屬皆罷遣以寬民力矣然使人